


SE O VOLÈS CONTÀ TANT CHE CITADINS,

PARTECIPA!



La soresanzie civiche votade de samblee storiche di popul di Udin

che i citadins midiant di chê a vevin jù pe Ete di Mieç vôs direte in cjapitul sul maneç dal public, istituzion che la liende e dîs che le vedi implantade tal 1340 il patriarcje Beltram di Aquilee, vuê Patron Civîl de citât, sdrumade po daspò di Vignesie tal 1513 e resuride tal 2015 tant che iniziative di associazion inviulade dal Fogolâr Civic,

e invide i citadins dal Comun di Udin

scrits in municipi

gjavâts chei dentri tes istituzions votâts o ben nomenâts de politiche e ametût nome Sindic o so delegât,

a volê dâsi dongje intun consei riformât di

RENC

che, inzornant il costum antîc, juste si unirà sot la di di Sant Michêl,

lunis ai 30 di Setembar 2019

li de Sale dal Consei di Palaç di Pulzinì o Garzulin di Top Wassermann in borc di Glemone n.r 92 a Udin,
famôs quartîr de Scuele Superiôr de Universitât de capitâl furlane,
daûr di chescj oraris:

aes 9.30-10: jentrade riservade ai citadins dal puest (prenotâts) e iscrizion di propuestis;

aes 10-10.20: jentrade libare pai citadins dal puest (no prenotâts) e iscrizion di propuestis;

aes 10.20-10.30: jentrade libare par scoltarie publiche (no prenotâts);

aes 10.30: vierte di samblee cun cerimonie di ostension de icone dal fondadôr Patriarcje Beltram;

po lant indevant:

- tradizional alocuzion di scree, che ai tims le faseve il guvier citadin votât de samblee di popul;

- salut dal Sindic (o delegât di chel) e sô instalazion onorarie tal puest di president de riunion, tant che il *Cjapitani* aquileiês di une volte e il *Lutignint* venezian;

- presentazion e votazion des propuestis civichis in elenc;

aes 13-15: sospension de samblee (par ore di gustâ);

- rindicont finâl de soresanzie votade de samblee tal 2018 e rinovazion des cjariis eletivis.

I citadins

ametûts fin che a son puscj secont la tignude dal lûc di riunion e in adunance valide li che a son la metât almancul dal numar di chei amissibii gjavade riserve massime dal 10% cence vôt par ospits e Sindic o so delegât che si previôt un acès in ultin ancje di publiche scoltarie,

a podaràn,

rinovant la usance tal rispjet des leçs,

proponi diret e votâ palês

ogni sorte di istancis in cont dal guvier dal ben comugnâl

e ancje candidâsi e elei rapresentants comuns

che gjenerôs a 'nt seguissin lis trafilis dentri des Aministrazions Publichis o cun altris sogjets destinatariis.

Un apel ferbint a rionzi cun sintiment grandis tradizions di democrazie e di partecipazion!

Udin, ai 13 di Setembar 2019

prof.e Renata Capria D'Aronco
pro tempore "Camerarius" o Cjamerâr / Cameraro (dean)
de samblee di popul dai citadins di Udin che i disevin une volte "Arengum" o ben Renc / Arengo

Si podarà **prenotâsi** :

- par pueste eletroniche DI LUNIS 23/09/2019 A DOMENIE 29/09/2019 (dentri di misdi)

ae direzion arengumutnican@libero.it segnant par cantin **PRENOTAZION RENC** e di preference doprant la formule "*Jo, (NON + COGNON), o trati di partecipâ ae libare samblee civiche titulade Renc che e sarâ a Udin lunis ai 30 di Setembar 2019 li di Palaç Garzulin di Top Wassermann – Universitât dai Studis di Udin*".

ARENGUM/Renc/Arengo

Samblee di Popul dai Citadins di Udin

Cancelarie: Vie Ciconi 18 - 33100 Udin - Friûl Vignesie Julie - Italie - Europe - arengumutnican@libero.it